

山海經第十四

晉郭璞傳  
明吳瑄校

大荒東經

東海之外大壑

詩含神霧曰東注無底之谷謂此壑也離騷曰降土大壑少昊之

國

少昊金天氏帝摯之號也少昊孺帝顓頊於此孺義未詳棄其琴瑟

言其壑中有琴瑟也有甘山者甘水出焉生甘淵水積則成淵也

大荒東南隅有山名皮母地丘

東海之外大荒之中有山名曰大言日月所出有波

谷山者有大人之國晉永嘉二年有鷺鳥集于始安縣南廿里之鷺陂中民周虎張

山海經 卷之十四

乙

得之木矢貫之鐵鏃其長六尺有半以箭計之其射者人身應長一丈五六尺也又平州別駕高會語云倭國人嘗行遭風吹度大海外見一國人皆長丈餘形狀似胡蓋是長翟別種箭殆將從此國來也外傳曰焦僂人長三尺短之至也長者不過十丈數之極也按河圖玉版曰從崑崙以北九萬里得龍伯國人長三十丈生萬八千歲而歿從崑崙以東得大秦人長十丈皆衣帛從此以東十萬里得佻人國長三十丈五尺從此以東十萬里得中秦國人長一丈穀梁傳曰長翟身橫九畝載其頭眉見於軾即長數丈人也秦時大人見臨兆身長五丈脚踏六尺準斯以言則此大人之長短未可得限度也

有大人之市名曰大人之堂亦山名形狀如堂室耳大人時集會其上作市

肆也

有一大人踰其上張其兩耳踰或作俊皆古尊字莊子曰踰於會稽也

有小人國名靖人詩含神霧曰東北極有人長九寸殆謂此小人也或作蟬音同有

神人面獸身名曰犁魏之尸音靈

有滴山楊水出焉音如謫詐之謫

有焉國黍食言此國中惟有黍穀也焉音口偽反使四鳥虎豹熊羆

大荒之中有山名曰合虛日月所出有中容之國帝

俊生中容假借音也中容人食獸木實此國中有赤木玄木其華

實美見呂氏春秋使四鳥豹虎熊羆

有東口之山有君子之國其人衣冠帶劔亦使虎豹好謙讓也

有司幽之國帝俊生晏龍晏龍生司幽司幽生思士

不妻思女不夫言其人直思感而氣通無配合而生子此莊生所謂白鵠相視眸子不運

而感風化之類也食黍食獸是使四鳥有大阿之山者

山海經 卷之古

大荒中有山名曰明星日月所出

有白民之國帝俊生帝鴻帝鴻生白民白民銷姓黍

食使四鳥虎豹熊羆又有乘黃獸乘之以致壽考也

有青丘之國有狐九尾太平則出而為瑞也有柔僕民是維羸

土之國羸猶沃衍也音盈有黑齒之國齒如漆也帝俊生黑齒聖人

神化無方故其後世所降育多有殊類異狀之人諸言生者多謂其苗裔未必是親所產姜姓黍

食使四鳥有夏州之國有蓋余之國有神人八首人

面虎身十尾名曰天吳水伯

大荒之中有山名曰鞠陵于天音菊東極離瞽三山名也音穀

音日月所出名曰折丹神人東方曰折單吁來風曰俊

未詳來風處東極以出入風言此人能節官風氣時其出入

東海之渚中渚島有神人面鳥身珥兩黃蛇以蛇踐兩

黃蛇名曰禺貊黃帝生禺貊禺貊生禺京即禺疆也禺京

處北海禺貊處東海是惟海神言分治一海而為神也一本作號

有招搖山融水出焉有國曰玄股自髀以黍食使四

鳥有困民國勾姓而食有人曰王亥兩手操鳥方食

其頭王亥託于有易河伯僕牛河伯僕牛皆人姓名託寄也見汲郡竹書

有易殺王亥取僕牛竹書曰殷王子亥賓于有易而淫焉有易之君綿臣殺而放之

是故殷主甲微假師于河伯以河念有易有易潛出

為國於獸方食之名曰搖民言有易本與河伯友善上甲徵殷之賢王假師

山海經 卷之十四 三

以義伐罪故河伯不得不助滅之暨而帝舜生戲戲

生搖民海內有兩人此乃有易所化者也名曰女丑即女丑之尸言其變

化無常也然則一以涉化津而遯神域者亦無往而

丑有大蟹廣于里也而不之觸感而寄迹矣范蠡之倫亦聞其風者也

大荒之中有山名曰孽搖頽砥上有扶木柱三百里

其葉如芥柱猶起高也葉侶芥菜有谷曰溫源谷溫原即湯谷也湯谷

上有扶木扶桑在上一日方至一日方出言交會相代也皆載于

鳥中有三足鳥有神人面犬耳獸身珥兩青蛇名曰奢比

尸有五彩之鳥相鄉棄沙未聞沙義惟帝俊下友亦未聞也帝

下兩壇彩鳥是司言山下有舜二壇五彩鳥主之

大荒之中有山名曰猗天蘇門日月所生有堯民之

國音如誼有綦山音忌又有搖山有醜山音如釜又有

門戶山又有盛山又有待山有五彩之鳥

東荒之中有山名曰壑明俊疾日月所出有中容之

國東北海外又有三青馬三騅馬蒼白雜其華爰有

遺玉三青鳥三騅視肉聚肉有眼甘華甘祖百穀所在言

也生

有女和月母之國有人名曰臯音婉北方曰臯來之風

曰狻言亦有兩名也音剡是處東極隅以止日月使無相間出

沒司其短長言臯主察日月出入不令得相間錯知景之短長

山海經 卷之十四

大荒東北隅中有山名曰凶犁土丘應龍處南極應龍

龍有翼者也殺蚩尤與夸父蚩尤作兵者不得復上應龍遂住地下故

下數旱上無復作雨者故也旱而為應龍之狀乃得大雨今之土龍

本此氣應自然冥感非人所能為也

東海中有流波山入海七千里其上有獸狀如牛蒼

身而無角一足出入水則必風雨其光如日月其聲

如雷其名曰夔黃帝得之以其皮為鼓橛以雷獸之

骨雷獸即雷神也人面龍身鼓其腹者橛猶擊也聲聞五百里以威天下

山海經第十四